



Vaksdal kommune
Konsul Jebsensgata 16
5722 DALEKVAM

Saksbehandlar, innvalstelefon
Trude Knutzen Knagenhjelm, 5764 3094

Uttale - Vaksdal – kommunale overordna retningslinjer - spesielle miljøtiltak i jordbruket - SMIL 2024 - 2028

Vi viser til dykkar brev av 10. august om høyring av framlegg til kommunale retningslinjer for bruk av SMIL-midlar. De ber om innspel innan 2. oktober 2023.

Kommunen har gjort eit godt arbeid med å skildre status for landbruket i kommunen, i tillegg til å skildre natur- og kulturverdiar og utfordringar knytt til dette. Dette dannar bakgrunn for prioriteringane som er gjort i retningslinjene.

Det er òg positivt at de har med eit heilt kapittel om koplingar mellom SMIL og andre miljøordningar, planar og verkemiddel.

Dokumentet har tittelen "Kommunal tiltaksstrategi for...", og brukar òg denne nemninga gjennomgåande i dokumentet. I staden for nemninga "tiltaksstrategi" tilrår vi å bruke «overordna retningslinjer», då dette er i tråd med krava i regelverket for både SMIL og NMSK.

SMIL-forskrifta, § 8, seier at kommunen skal fastsetje overordna retningslinjer for prioritering av søknader. Slike retningslinjer skal utarbeidast i dialog med Statsforvaltaren og næringsorganisasjonane i jordbruket lokalt. Under punkt 1.4. hadde det vore ryddig med ein omtale av at retningslinjene er sendt på høyring til faglaga og Statsforvaltaren.

Under punkt 3.6 skriv de at kommunen ønskjer å prioritere skjøtselstiltak i område som er under attgroing, men som framleis har tydeleg kulturpreg. Vi minner her om at slike tiltak skal medverke til å vareta natur- og kulturminneverdiar i jordbrukets kulturlandskap, og at SMIL-midlar skal løyvast til tiltak som ligg utanfor det vi vil rekne som vanleg jordbruksdrift. De peikar på dette i tabellen under punkt 5.0, og dette kan med fordel inngå i teksten under punkt 3.6. i tillegg.

Under punkt 3.7 nemner de opprydding etter tidlegare drift, som t.d. rydding av piggtråd, som aktuelle tiltak å støtte. Vi minner om at føremålet med SMIL-ordninga er tilskot til gjennomføring av miljøtiltak ut over det som er venta av vanleg jordbruksdrift. Dyrevelferdslova er klar på at ansvaret for vedlikehald og fjerning av gjerde ligg til den som er ansvarleg for gjerdet. Slik vi tolkar regelverket



skal det såleis ikkje løyvast SMIL-tilskot til fjerning av piggtråd på eigedom der det vert drive vanleg jordbruksdrift, og der ansvaret for gjerdehald ligg til grunneigaren. I område der det er uavklarte eigar- og/eller ansvarsforhold kan det likevel vere grunn til å opne opp for å støtte fjerning med SMIL-tilskot for å t.d. legge til rette for ferdsel og beiting i jordbrukslandskapet. Vi viser òg til vår nettartikkel frå 2021, Fjerning av piggtråd og SMIL-midlar.

Vi merkar oss òg positivt at de under same punkt nemner fellestiltak som tek tak i problemet med forureining i form av landbruksplast, og at de i tabellen over aktuelle tiltak på side 9 kommenterer at tilskot til innkjøp av plastpresse må avklarast etter SMIL-regelverket.

Med helsing

Bjørn Harald Haugsvær
ass. landbruksdirektør

Trude Knutzen Knagenhjelm
seniorrådgjevar

Dokumentet er elektronisk godkjent